

左恪靖侯奏稿初編

恪靖奏稿初編卷七目錄

奏報連復六縣布置情形摺

分別審辦龍游首逆片

瀝陳餉項支絀緣由片

請將楊知府開缺以道員用片

奏報克復郡縣城池布置情形摺

瀝陳浙省殘黎困敝情形片

浙江初次米捐援例請獎摺

請將初次米捐照常覈獎片

初續卷七目錄

陳明紹與蕭山克復詳細情形摺

查明法國參將陣亡請卹摺

浙江甯波新關經費請作正開銷摺

甯波新關另設巡船經費請於洋稅項下開銷片

奏報連復六縣布置情形摺

奏爲官軍連復武義永康東陽義烏浦江諸暨等縣城  
見籌布置情形恭摺馳

奏仰祈

聖鑒事竊龍游湯溪蘭谿等城經官軍攻克後金華敗  
賊與首梯戴三逆由義烏竄赴諸暨譚星率藺谿敗賊  
竄赴浦江臣比飭蔣益澧分軍由武義永康蓋烏進剿  
劉典由浦江進剿合攻諸暨適據督臣調攻武義之總  
兵林文察署永康縣知縣程陶成馳報武義永康之賊

於十三日同時遁走林文察督軍追殺當復武義程陶成率團收復永康復據探報東陽義烏之賊亦聞風向諸暨一帶潰竄劉典急率各營進徧浦江該處踞逆正思逃走十八日劉璈黃少春等率所部馳至斬殺數百名追至離城五十里之白馬橋始收隊還當將縣城收復劉典卽飭各營乘勢徧攻諸暨黃少春黃有功李耀南喻可宗楊芳桂率所部出脾頭以攻諸暨之南劉璈朱明亮齊蘭禮率所部由草塔以截賊出路該處民團見官軍至無不踴躍爭先願爲前導廿二日四更黃少

春等督隊行至距城二十里地方出賊不意擊之擒斬數百賊敗入城官軍齊抵城下民團復於四面喊殺奮力圍攻城賊千餘驚慌無措遣人詣黃少春等軍前乞降黃少春等受之二十三日遂率官軍團勇入城當將縣城收復其投誠之賊經剏典飭令薙髮遣散歸籍見據各路稟報金華敗賊與首梯戴三逆竄赴諸暨後聞官軍將至復向義橋竄遁其意在回竄杭州可知諸暨逆匪聞已回竄紹興蓋自龍游湯溪蘭谿金華四堅城破後羣賊喪膽一聞官軍蹣跚追至卽奪路狂奔走無

停趾惜前途無兵阻截未能聚而殲旃其粵賊譚星一股由浦江敗竄聞爲李秀成之黨所阻不敢回竄杭州見已竄近桐廬臣已飭蔣益澧一軍乘勢進攻紹興剡培元率所部水師順流而下曾魏喻義所部合擊桐廬之賊遇其西趨臣已移軍蘭谿俟將金華等處布置稍定卽親赴嚴州調度一切其劉典一軍仍須由嚴赴徽爲肅清皖南之計必俟皖南局勢漸定江皖邊圉又安然後臣軍無後路之虞方可一意進取至督臣派來援剿之康國器一軍及閩粵各軍臣已緘商督臣飭其暫

駐東陽縉雲一帶以壯蔣益澧後路聲援暫緩前進因  
見當進攻紹興之際甯波之軍已早抵北官渡署總兵  
勒伯勒東傷後洋將買忒勒繼之上年粵勇與洋兵  
構隙已深康國器所部多是粵勇用之紹興恐非所宜  
卽蔣益澧進規紹郡臣亦密屬其豫飭諸將如與洋將  
共事惟守禮示信勿計功攘利致啟爭競之端所有連  
復六縣及見籌布置情形謹會同協辦大學士兩江督  
臣曾國藩閩浙總督臣耆齡恭摺馳

奏伏乞



皇上聖鑒訓示謹

奏

同治二年正月二十七日

議政王軍機大臣奉

旨另有旨欽此

同治二年二月十二日內閣奉

上諭左宗棠奏官軍連復武義永康等縣城一摺前據  
耆齡奏林文察等軍攻克武義永康兩縣並東陽義烏  
等縣賊匪被擊潰竄情形業經明降諭旨宣示茲據左  
宗棠奏稱官軍攻克武義永康兩城後東陽義烏之賊

聞風向諸暨一帶潰竄按察司劉典督率各營進逼浦  
注該處踞逆正思逃竄正月十八日劉琰等率所部馳  
至殺賊數百名追至離城五十里之白馬橋始行收隊  
當將浦江縣城收復劉典復督飭各營乘勢進逼諸暨  
分道進攻該處民團踴躍前導二十二日黃少春等督  
隊行至距城二十里地方出賊不意擒斬數百名賊敗  
入城官軍民團齊抵城下奮力圍攻城內餘賊千餘人  
窮蹙乞降官軍於二十三日整隊入城當將諸暨縣城  
收復其投誠之賊經劉典飭令薙髮遣散歸籍勦辦甚

屬得手著左宗棠督飭劉典等軍迅即乘此聲威將諸  
暨等處逆匪悉數殲除並會合閩軍進規紹興等城以  
靖地方欽此

議政王軍機大臣 字寄同治二年二月十二日奉

上諭昨據耆齡奏報克復永康武義兩縣詳細情形當  
經明降諭旨宣示茲復據左宗棠奏官軍連復武義永  
康東陽義烏浦江諸暨等城一摺復經明發諭旨將各  
城收復情形宣示矣前經疊次寄諭耆齡左宗棠以浙  
境軍聲丕振勢成破竹卽當乘勢進取紹興以後浙東

並令耆齡仍駐紮浦城以防賊復竄由皖入江西滋擾  
令左宗棠仍當分兵嚴州以清皖境而顧全局見在金  
華敗賊竄赴諸暨後聞官軍將至復向義橋遁走自係  
回竄杭州其諸暨逆匪已回竄紹興著左宗棠飭令蔣  
益澧之軍乘勢進攻痛殲醜類速復紹城粵賊譚星一  
股由浦江敗竄爲李秀成之黨所阻不敢回杭而竄桐  
廬卽著飭令劉培元迅率所部水師順流而下會同魏  
喻義所部合擊之以遏西趨左宗棠見在移軍蘭谿擬  
俟金華等處布置稍定卽親赴嚴州調度其劉典等軍

仍須由嚴赴徽肅清皖南俾左宗棠無後顧之虞方能  
一意進取所論甚合機宜著卽照所擬辦理昨據李鴻  
章等奏中外官軍進攻紹興法國兵官中槍陣亡洋將  
買忒勒繼之見當進攻紹興之際耆齡所派赴浙援勦  
之康國器一軍及閩粵各軍著卽飭令暫駐東陽縉雲  
一帶以壯蔣益澧後路聲援傳聞紹興已有克復之信  
各軍均屬在事出力自可同膺懋賞又聞上年粵勇與  
洋兵構隙頗深自當豫爲防範毋令糅雜以致別滋事  
端並著該督撫密飭諸將與洋兵共事總須守禮示信

勿許計功攘利致啟爭競之端且爲外國人所竊笑也  
紹城克復及籌定戰守各情仍著隨時速奏另摺奏請  
飭催各省欠餉已照所請寄諭閩粵等省迅籌撥解楊  
昌濬本日已照左宗棠所請明降諭旨開缺留營以道  
員補用衢州府一缺已簡放林聰彝該員前係左宗棠  
所保見在是否在籍抑在該撫軍營著左宗棠催令迅  
速赴任勿少遲延將此由六百里各諭令知之欽此

分別龍游首逆片

再龍游首逆陳廷香李國羣臣前次奏報業經官軍陣

斬項據蔣益遭將李國羣並偽唐天義萬連勝燕天安  
陳其得文軍政司洪董義等押解前來臣詳加審訊據  
供陳廷香實經官軍在白龍橋地方殺斃該逆等逃至  
湯溪官軍前後緊逼率其死黨乘閒翻山竄逸至蘭背  
源復遇參將化儒之軍阻截因下馬投降詭稱李懷忠  
希圖免死其偽印偽令係交賊目裴天福劉洪飛帶護  
同行已經龍游追軍擒斬奪獲矣訊以賊中之事據供  
待逆李世賢因上年夏閒與偽對王洪春元在浙江爭  
鬪洪逆歸訴金陵賊渠洪秀全乘侍逆同時卽將其鎖

禁自上年九月以來並未接待逆偽文等語是金陵羣  
賊自相猜忌亦可概見臣查李國羣在賊中最高悍  
茲當勢窮力竭之時始乞命投降復詭易本名希圖免  
死與尋常畏罪輸誠者有閒自不便任其漏網惟連日  
接獲逆犯甚多應暫留質認俟事畢卽當處以極刑用  
中

國法其萬連勝陳其得兩犯從賊已久身面創痕宛然  
訊畢卽予正法彙示理合附片聲明伏乞

聖鑒謹



奏同治二年正月二十七日

議政王軍機大臣奉

旨知道了欽此

滙陳餉項支絀緣由片

再臣軍餉銀軍火本省無從籌措支絀情形久已仰邀  
洞鑒見因復地漸廣需兵愈多臣軍添募及臬司劉典  
所募新勇合計四千餘名轉瞬到齊庫庫早空無以爲  
計此外尚須添造戰艦雇募水師亦因經費無出暫未  
舉辦而見在各軍之餉積欠已九箇月忍飢力戰雖未

遲至譁潰而兵增餉絕大局堪虞計各省奉

旨協撥之餉自上年正月起至十二月止廣東每月十萬兩除抵撥將益澄一軍行費十二萬兩僅收過釐餉十萬兩尙欠一百零八萬兩福建自上年正月解過五萬兩以後每月三萬兩僅收過十九萬兩尙欠十七萬兩湖北每月一萬兩僅收過三萬三千四百兩尙欠九萬九千六百兩除湖南江西撫臣於臣軍餉事最肯關心解款撥項未經截算外其粵閩湖北等省積欠如此之鉅在各該省或因動撥頻仍不無爲難之處然以浙

省數之緩急懸殊相應顧懇

天恩飭下廣東福建湖北將軍督撫迅速籌辦大批以資接濟如再逾延卽將各該省藩司從嚴參處其湖南江西兩省亦請

飭下以後仍須源源接濟俾得拯此飢軍感荷

鴻慈實無既極所有滙陳餉項支絀緣由謹附片具

奏伏乞

聖鑒施行謹

奏  
同治二年正月二十七日

議政王軍機大臣奉

旨另有旨欽此

同治二年二月十二日內閣奉

上諭左宗棠奏兵增餉絀大局堪虞各省奉撥協餉自  
上年正月起至十二月上廣東每月十萬兩除抵蔣益  
澧一軍行費十二萬兩僅收過釐餉十萬兩尙欠一百  
零八萬兩福建自上年正月解過五萬兩以後每月三  
萬兩僅收過十九萬兩尙欠十七萬兩湖北每月一萬  
兩僅收過三萬三千四百兩尙欠九萬九千六百兩請

有飭催等語浙省腹地漸廣需兵愈多添募新勇轉瞬到齊臺庫早空無以爲計此外尙須添造戰艦雇募水師亦因經費無出未能舉辦且積欠各軍之餉已九箇月時有譁潰之虞亟應速籌接濟以拯飢軍而利攻剿著官文嚴樹森文清著齡徐宗幹晏瑞書黃贊湯迅速籌撥大批解赴左宗棠軍營以後仍著將各該省應撥協餉按月報解如再遲延卽由左宗棠將各該藩司從嚴參辦浙省軍務見在極爲得手儻因停兵待餉致誤戎機恐該將軍督撫等不能當此重咎也毛鴻賓沈葆

植於浙省軍餉頗能不分畛域竭籌協濟嗣後仍著該撫等源源報解以贍軍食是爲至要欽此

請將楊知府開缺以道員用片

再浙江補用同知楊昌濬向在臣軍辦理營務上年九月奉

旨簡放衢州府知府臣因軍務喫緊仍暫留營差遣未經飭赴新任見在金華克復事務倍繁而一切進止機宜及帶隊接仗非深明方略之員不足以資贊畫而利戎機該員此次克復各堅城勞績卓著可否仰懇

天恩俯准將楊昌濬開缺以道員留於浙江補用俾臣  
得收指臂之助如蒙

俞允衢州府缺卽請另行

簡放以重職守伏乞

聖鑒施行謹

奏同治二年正月二十七日

同治二年二月十二日內閣奉

上諭左宗棠奏請將知府開缺留營陞補等語浙江衢  
州府知府楊昌濬襄辦左宗棠營務尙屬得力著准其

開缺留營並以道員留於浙江補用欽此



奏報克復郡縣城池布置情形招

奏爲官軍克復紹興府城桐廬縣城見籌布置情形恭  
摺馳

奏仰祈

聖鑒事竊浦江諸暨等城經劉興攻克後逆賊何文慶  
率黨三千餘人由紹興竄至徑撲城下適高連陞熊建  
才已率所部於廿三日馳抵諸暨縣城當卽督隊迎擊  
焚賊三四百名生擒數十名餘賊仍向紹興一路逃竄  
廿四日各營正擬移紮城下適東陽永康敗匪萬餘又

紛紛竄至高連陞熊建益黃少春李耀南合兵縱擊大  
敗之殺賊近千名拔出難民數千奪獲旗幟器械無算  
劉典復率各營追至應店街斃賊數百名首梯戴三逆  
因官軍追躡其後率黨由富陽西渡人多船重沿江溺  
斃者不計其數蔣益澧正飭劉清亮率五營繼進乘勢  
規取紹興適接高連陞等飛稟紹興府城已於正月廿  
六日經署提督葉炳忠等督甯波諸軍收復賊由臨浦  
義橋渡江而遁其桐廬地方先有賊目賴姓踞守復添  
紹興敗匪萬餘於沿江修築石壘勢頗猖獗廿八日劉

培元派水師副將楊政謨率舢板師船駛往下游截獲賊船一號廿九日該逆見官軍無多悉眾來撲經楊政謨督隊奮擊燒燬賊船百餘號奪獲礮船數號民船二十餘號將沿江賊壘一律焚毀斃賊數千溺斃無數餘賊悉竄伏城中是夜楊政謨會合魏喻義所部陸軍併力攻圍遂將桐廬縣城克復臣維紹郡既克浙東郡縣已一律肅清桐廬克復杭郡上游全爲我有劉典一軍追賊已抵富陽縣境當杭州之西南距省城僅八十里將益禮所部高連陞熊建益等已飭由臨浦義橋蕭山

而前當杭州之南距省城亦不過百餘里若遂乘勝長驅杭州樞少城孤似亦無難速克惟粵匪譚星一股已與花旗賊合股由於潛昌化竄入皖南必將勾結太平石埭諸賊擾我後路臣前奏劉典一軍仍須由嚴越徽爲肅清皖南之計者此也其僞王黃呈忠等逆聞已由富陽渡江意在與首逆李秀成合勢以犯江北查杭紹嘉湖爲李秀成分地紹克杭危李逆或以此暫輟北犯之謀亦未可定臣見飭蔣益澧率所部全軍規取杭州臣所部除分駐金華外均隨臣進嚴郡而催劉典一軍

仍由諸暨浦江回嚴州以漸向皖南其劉典回湘新募  
之勇計此時已行過章門臣已飛飭江西廣信府暫行  
截留聽候劉典隨時調遣以重江西邊圉之防劉典未  
回嚴州之先臣見檄劉培元率所部三營前赴開化縣  
之馬金街會合王德榜一軍相機截剿再由臣軍分撥  
八營扼紮淳安縣港口茶園以遏淳遂之衝一面檄飭  
各營勿貪克復省城之功冒進而忘大局勿憚江皖迂  
阻之勞就易而昧戎機將來杭州克復皖浙肅清臣擬  
額報

天恩無論曾否克復省城總以殺賊之多寡爲勞績之高下一體錄敘以昭獎勵庶人心競奮大局易就敕平臣惟當慎以圖之以求仁答

慈廑所有克復各城勞績最著之按察使劉典請

旨交部從優議敘據保記名總兵副將熊建益楊政謨總兵銜副將黃少春副將楊芳桂黃有功知府朱明亮均請

賞卹勇號總兵銜副將劉清亮請交軍機處記名遇有總兵缺出請

旨簡放副將銜參將周廷瑞請以副將留於浙江補用  
花翎遊擊鄧受福請以參將留於浙江補用花翎都司  
銜守備徐文秀請以遊擊留於浙江補用均並請

賞加勇號花翎都司李運榮請以參將補用並加副將  
銜藍翎都司翁桂秋請以遊擊留於浙江補用並

賞換花翎都司銜花翎守備余朝貴請以遊擊留於浙  
江補用藍翎守備賀國輝請以都司留於浙江儘先補  
用並加遊擊銜

賞戴花翎五品軍功記保千總張志公請以都司儘先

補用並加遊擊銜

賞戴花翎記保千總丁賢發王宗元請以守備儘先補用並加都司銜

賞戴花翎五品軍功李世祥請以守備留於浙江補用並加都司銜

賞戴花翎已革都司銜花翎守備王東林請開復原官以都司留於浙江補用並

賞加遊擊銜知府銜候選同知陳璫請以知府留於浙江補用並



賞加道銜同知銜湖南卽補知縣吳作梁請免補本班  
以直隸州知州仍歸湖南儘先補用並

賞加知府銜其餘出力員弁兵勇可否歸併克復金華  
等城案內從優保獎之處出自

天恩謹會同協辦大學士兩江總督臣曾國藩閩浙總  
督耆齡恭摺馳

奏伏乞

皇上聖鑒訓示施行謹

奏  
同治二年二月初四日

議政王軍機大臣奉

旨另有旨欽此

懇陳浙省殘黎困敝情形片

再浙江此次之變人物彫耗田土荒蕪彌望白骨黃茅  
炊煙斷絕見屆春耕之期民間農器毀棄殆盡耕牛百  
無一存穀豆雜糧種籽無從購覓殘黎喘息僅屬者書  
則緣伏荒畦廢圃之間掘野菜爲食夜則偎枕頽垣破  
壁之下就土由以眠昔時溫飽之家大半均成餓殍憂  
愁至極並其樂生哀死之念而亦無之有骨肉死亡在

側相視而漠然不動其心者哀我人斯竟至於此臣於  
去冬曾籌補救十二條刊發各屬見復籌採買豆穀種  
籽購辦耕牛招集鄰省農民來浙耕墾冀將來或有生  
聚之望惟浙省被難地方極廣巨富紳民早已避地遠  
徙捐無可捐臣軍之餉積欠太久日食尙艱雖所過地  
方每與各統領營官哨弁共圖分食煮粥俵散錢米所  
獲賊中穀米亦酌量賑糶煮粥暫救目前然涓滴之施  
無裨大局且距新熟之期太遠災民朝不保暮難冀生  
全查有籍隸浙江之富紳楊坊俞斌毛象賢等十數員

身擁厚貲坐視邦族奇荒並無拯卹之意且有乘機賤置產業以自肥者爲富不仁莫此爲甚見飭速措巨款廣購米石運回辦賑以濟阡危而昭任卹之誼理合將地方實在困敝情形附片陳明伏乞

皇上聖鑒訓示謹

奏同治二年二月初四日

議政王軍機大臣奉

旨另有旨欽此

同治二年二月十九日內閣奉

上諭左宗棠奏官軍克復紹興桐廬府縣城池一摺浙  
江自攻克浦江諸暨等城後逆匪何文慶率黨由紹興  
北竄諸暨縣城經高連陞等率兵馳至督隊迎擊賊眾  
敗遁而東陽永康等處敗匪復紛紛竄至官軍合隊縱  
擊殺賊甚多救出難民千餘名奪獲器械無數劉典率  
各營追殺賊渡江逃遁溺斃不計其數乘勢規取紹興  
署提督葉炳忠等已於正月二十六日督甯波諸軍將  
紹興府城收復敗匪萬餘與桐廬踞賊合併沿江修築  
石壘圖抗官軍劉培元派令副將楊政謨率師船駛往

下游賊悉眾來撲官軍奮力擊敗燒燬賊船百餘號奪  
獲礮船多隻沿江賊壘一律焚毀斃賊至數千餘賊竄  
伏城中我軍水陸併力圍攻遂將桐廬縣城克復辦理  
甚爲得手仍著左宗棠飭令蔣益澧劉典各軍分道進  
攻肅掃妖氛此次出力之浙江按察使劉典著交部從  
優議敘副將熊建益著賞給銳勇巴圖魯名號楊政謨  
著賞給壯勇巴圖魯名號黃少春著賞給強勇巴圖魯  
名號楊芳桂著賞給勦勇巴圖魯名號黃有功著賞給  
振勇巴圖魯名號知府朱明亮著賞給衝勇巴圖魯名

號副將劉清亮著交軍機處記名遇有總兵缺出請旨  
簡放並賞給靖勇巴圖魯名號參將周延瑞著以副將  
留於浙江補用並賞給策勇巴圖魯名號遊擊鄧受福  
著以參將留於浙江補用並賞給技勇巴圖魯名號守  
備徐文秀著以遊擊留於浙江補用並賞給卓勇巴圖  
魯名號都司李運榮著以參將補用並賞加副將銜翁  
桂秋著以遊擊留於浙江補用並賞換花翎守備余朝  
貴著以遊擊留於浙江補用賀國輝著以都司留於浙  
江儘先補用並賞加遊擊銜賞換花翎五品軍功記保

千總張志公著以都司儘先補用並賞加遊擊銜賞戴  
花翎記保千總丁賢發王宗元均著以守備儘先補用  
並賞加都司銜賞戴花翎五品軍功李世祥著以守備  
留於浙江補用並賞加都司銜賞戴花翎已革花翎都  
司銜守備王東林著開復原官以都司留於浙江補用  
並賞加遊擊銜同知陳璠著以知府留於浙江補用並  
賞加道銜湖南卽補知縣吳作梁著免補本班以直隸  
州知州仍歸原省儘先補用並賞加知府銜其餘出力  
員弁兵勇著左宗棠併入克復金華等城案內奏請獎



浙江初次米捐援例請獎摺

奏爲浙江初次米捐援例請獎仰祈

聖鑒事竊於同治元年七月二十六日奉

上諭左宗棠奏請援照湖北米捐減成章程收捐一摺  
浙江軍務方殷左宗棠添募各軍陸續可到需餉實屬  
浩繁著准其按照湖北米捐減成章程收捐凡浙江紳  
商之流寓各省者准其一體捐輸其江西湖南兩省業  
經由部頒給執照者著自奉旨之日爲始由各該省藩  
司查照減成新例填給執照其有並非籍隸浙江情願

捐輸者亦准一例照辦並著戶部再行發給各項職銜及貢監生等執照五千張迅速由驛遞至浙江交左宗棠接收餘著照所議辦理該部知道欽此臣遵卽檄委江西藩司李桓委用道沈元泰於江西省城設局勸辦並遴員分赴廣信饒州等處勸諭一體捐輸茲據江西藩司李桓等詳稱江西省局共收過折色銀二萬四百七十兩合捐例銀四萬九百四十兩浙江代辦藩司蘇式敬詳稱各局共收過折色銀八萬九千五百十七兩合捐例銀十七萬九千三十四兩均已隨時解到臣軍

廣信糧支發兵餉並據開具各捐生姓名請獎前來  
臣細加覆覈捐數均屬有盈無絀除捐虛銜封典各員  
已填給執照咨部註冊外其捐實職之豐應齡等七十  
六員合無仰懇

天恩飭部覈給獎敘以昭激勵理合繕列清單恭呈  
御覽伏乞

皇上聖鑒施行謹

奏同治二年二月十三日

議政王軍機大臣奉

旨戶部覈議具奏單並發欽此

請將初次米捐照常覈獎片

再臣於同治元年十二月二十七日准戶部咨開同治元年十一月初七日內閣奉

上諭捐輸章程除雲南貴州兩省准其照常收捐其餘報捐京外文武各官止准捐足三班其分發指省銀兩應歸銅局上兌及各項捐復人員一併令其赴京呈交銀兩尙屬可行均著照所議辦理欽此臣自應欽遵辦理惟浙省米捐自上年七月奏准之後即委員分赴江

西湖南各處勸辦所捐銀兩俱已隨時解交臣軍廣信糧臺支發兵餉上年秋冬之間臣軍得以勉強敷衍者僅賴此涓滴之入見在部議新章外省不准指捐分發原爲籌備京餉起見部臣籌畫之苦臣豈不知惟是損輸事例愈推愈廣原以示簡便而速招徠前此各處捐生往往報捐數年始赴京引

見驗看故雖事例頻開減成不止一案而羣情樂其便利尙復爭趨若必槩以到京指捐分發之例相繼恐該捐生因道途遙遠勸望不前外省旣苦勸辦之艱京局

亦難收挹注之效臣擬嗣後浙省米捐仍聽各捐生指  
捐分發將所收指捐分發折色銀兩隨案聲明俟湊成  
鉅款由臣委員或解京銅局或解戶部彙收伏候

諭旨遵行至初次米捐內所收指省分發銀兩均在未  
奉

諭旨之前合無仰懇

天恩俯念浙省情形與他省不同准將此次米捐均照  
常撥獎俟二次再將指省分發銀兩另款報解是否可  
行伏乞

聖鑒訓示施行謹

奏同治二年二月十三日

議政王軍機大臣奉

旨著照所請戶部知道欽此

陳明紹興蕭山克復詳細情形摺

奏爲查明紹興蕭山克復詳細情形恭摺具

奏仰祈

聖鑒事竊紹興府城於正月二十六日克復業經臣奏  
明在案茲據護提督葉炳忠甯紹臺道史致諤等稟稱  
中外官軍進攻紹興府城自達耳地福陣亡後葉炳忠  
添派外國師惠南及王維圻所帶常安軍王錫馴所帶  
定勝軍馳往援剿迭獲勝仗正月十九二十兩日蕭山  
義橋臨浦一路竄來援賊復經張景渠督率中外各軍



攻勦一勝於下方橋再勝於安昌擒斬多名嗣是英國  
總兵叻樂德克復由滬解來大礮稅務司日意格調來  
法國洋兵陸續到營急擬乘勢環攻適逆黨楊應柯密  
遣難民持信赴張景渠營中乞降願爲內應二十五夜  
城中火起張景渠約會各軍齊進首逆周姓率眾開積  
山門向蕭山而遁官軍一面追勦一面登城當於二十  
六日巳刻將紹興府城收復其蕭山之賊聞官軍已臨  
蹤追至亦於初二夜棄城潰走經守備張其光遊擊李  
光等收復竊維浙事之轉以金華爲一大關鍵金華未

復之前甯波各軍力攻紹興未能猝拔迨十三日復金華二十三日復諸暨二十六日紹興卽隨之而下見在浙東肅清規取杭垣自宜由富陽前進而東路亦未可鬆防除蔣益澧所部高連陞熊建益已取道進規富陽蔣益澧督隊繼進其蕭山臨浦一帶已飭葉炳忠張景渠督紹興各軍嚴爲防守義橋仍暫由蔣益澧分兵扼紮所有克復紹興蕭山詳細情形理合據實馳陳伏乞皇上聖鑒訓示施行謹

奏同治三年二月二十五日

議政王軍機大臣奉

旨覽奏均悉欽此

查明法國參將陣亡請

卹摺

奏爲查明法國參將打仗陣亡懇

恩優卹以昭激勸事竊據甯紹臺道史致謬稟稱上年  
勒伯勒東傷故後法國參將權受中國副將職任達耳  
地福卽買武勒來甯接帶該營兵勇十二月二十四日  
英國總兵哇樂德克親運大礮到營籌剿紹郡賊匪比  
商進兵之策張景渠議分攻稽山五雲昌安三門達耳  
地福哇樂德克議攻西郭門張景渠恐有疏失飭各軍  
分路接應本年正月初一日哇樂德克達耳地福帶領

洋兵花綠頭各勇車輪大礮徑攻西郭門王維圻帶常  
安軍攻昌安門謝國恩帶信義軍攻五雲門張景渠楊  
叔懌督隊由南路兜剿圍攻竟日轟坍西門城垛丈餘  
至酉刻始收隊還初二日復攻西郭門連開洋礮轟塌  
城垣十餘丈斃賊無算達耳地福獨立橋上揮兵登城  
該逆拚死抵拒正相持間突有黑洋人五六十名助賊  
施放洋槍彈入達耳地福腦左登時殞命同時陣亡外  
國兵頭一人洋兵四人勇丁三十餘人帶重傷者數十  
人次傷者百餘人等因前來伏查達耳地福白上年八

月到甯管帶花頭黃頭兩隊勇丁教練洋槍防守餘姚  
明退各鄉逆股上虞之捷亦與有力此次經該國提督  
伏恭派委接帶勒伯勒束舊部抵營未及一月忠義奮  
發恭謹有加茲以急攻紹城身先士卒臨陣捐軀實堪  
閔惻合無仰懇

天恩將法國參將權受中國副將達耳地福照副將例  
從優議卹其一切身後事宜已飭甯紹台道史致諤照  
華爾勒伯勒東例妥爲辦理其中外傷亡兵勇應給賞  
卹養傷銀兩亦併飭史致諤查明分給以示體卹所有

法國參將打仗陣亡緣由理合恭摺具

奏伏乞

皇上聖鑒施行謹

奏同治二年二月二十五日

議政王軍機大臣奉

旨已有旨將達耳地福照總兵陣亡例從優議卹矣欽  
此

浙江甯波新關經費請作正開銷摺

奏爲浙江甯波新關經費請作正開銷並洋稅折耗銀兩仍援照江海關章程銷算恭摺

奏祈

聖鑒事竊照甯波海口自咸豐十年十一月開設新關一切章程均查照江海關辦理上年八月甯紹台道臬致譔抵任後臣卽飭其將海關應行事宜分別覈辦茲據詳稱江海關每年關署關卡共須經費銀六千五百餘兩今甯波新關徵收稅數雖遠遜於上海而額設書



役巡捍各有專責未便槩裁應減作銀三千八百八十兩八錢請於洋稅項下作正開銷又每年新關房租銀一千二百六十兩鎮海房租銀五十兩北卡房租銀三十兩均請暫行作正開銷俟起建關屋卽行停止又外國司稅人等薪俸工食等項查江海關奉總理衙門頒發定章每月給銀二千零五十兩今每月撙節銀二千兩由司稅分別給發又甯波新關銷算洋稅折耗銀兩咸豐十一年經戶部奏駁飭照三口通商例每兩止准開銷折耗銀一分二釐查從前浙海關徵收洋稅成色

低漕因爲數無多折耗銀兩卽由關道賠補見江海關  
海等關既奉部覆每兩准銷折耗銀二分此次甯波開  
設新關亦係照章辦理事同一律應請援照江海關海  
關成案按所收洋稅銀數每兩准銷折耗銀二分自咸  
豐十年十一月關期起在於徵收各國洋稅銀兩內作  
正開銷如有不敷仍由關道賠補以示限制等因具詳  
請奏前來臣覆覈無異理合會同閩浙總督臣耆齡恭  
摺具

奏伏乞

皇上聖鑒施行謹

奏同治二年二月二十五日

議政王軍機大臣奉

旨該衙門駁議具奏欽此

甯波新關另設巡船經費請於洋稅項下開銷片  
再據甯紹台道史致諤詳稱甯波開設新關徵收洋稅  
各商船從鎮海縣之招寶山進口距甯波港面六十里  
支港紛歧商船沿途每多偷漏是以設立大號巡船二  
隻中號巡船十二隻自鎮海口門至甯波港分段梭巡

惟招寶山外沿海各口均屬浙界如象山縣之象山石浦等口鎮海縣之穿山新碇小港等口慈谿縣之蠡浦口以及乍浦澉浦溫臺各屬沿海口岸均係不准通商之口而各商船私往貿易不特違犯定章且於關稅大有虧損該道函商司稅另設夾板大船一隻僱募外國巡丁選派精壯水手專巡浙江沿海不通商口岸以嚴洋禁惟此項丁役辛工飯食軍火月需銀三百餘兩如以修葺添配經費每年共約需銀五千餘兩一時無款可籌擬請於洋稅項下每年支銀六千兩專爲沿海口

岸巡查之費如開銷不及六千仍歸還洋稅項下以示  
限制等因前來臣體察沿海情形添設巡船實不可少  
除飭該道嚴密稽查外理合附片陳明伏乞

聖鑒謹

奏同治二年二月二十五日

議政王軍機大臣奉  
旨該衙門知道欽此

恪靖奏稿初編卷八目錄

奏報富陽皖南兩路獲勝情形摺

請調京員並卽用縣之新進士赴浙差遣片

請飭道員兼督松所鹽務片

進剿富陽援賊大獲勝仗情形摺

奏報馳剿徽休賊匪獲勝情形摺

恩蠲浙省錢漕請於二年之上冠以同治二字欽遵片

劣紳倚勢壓民請先革職嚴辦片

請卹杭湖殉難文武大員摺

初稿卷八目錄

奏報進剿祁黟賊匪克復黟縣情形摺  
附明溫瑞海關改由溫處道就近徵解  
請卹浙江殉難文武官紳摺

奏報富陽皖南兩路獲勝情形摺

奏爲水師進攻富陽陸軍防剿皖南克獲大勝現籌辦理情形仰祈

聖鑒事竊桐廬既克杭州上游關鍵祇富陽縣一城而浙江自桐廬七里瀧以下地勢漸平江面漸闊縣城背江面山右阻一溪形勢完固賊自踞杭後於此修築城壘雉堞一新當官軍克復桐廬之時杭屬新城之賊亦以前年所奪戰船溯流上拒臣飭水師營官副將楊政謨都司羅啟勇等先率所部師船前往察看形勢二月



初八日楊政謨師船自桐廬擊楫而下遙見賊船數百  
號排列城下前後均有礮般護之遂傳令師船作兩層  
排齊疾進頭隊繞向南岸直攻其中俟賊礮船上犯則  
我後隊師船應之百礮齊轟江流鼎沸火箭噴筒迸注  
賊船頃刻延燒殆遍賊之礮船復爲我後隊師船擊敗  
其從前官軍之被賊逼脅者以其礮船來投羅啟勇亦  
適帶所部師船駛至遂並受之返礮轟擊賊大慌亂遂  
併棄船人壘官軍亦上岸蹙之踏平堅壘二座殺賊甚  
多奪獲旗幟鎗礮無算日暮收隊而還計是役燒賊船

數百號奪破船十數號民船數十號斃賊約以千計楊政謨等卽駐營富陽城南岸逼之現在蔣益澧將臨浦義橋一帶布置略定卽飭高連陞熊建益馳赴富陽蔣益澧亦率後隊繼進現已由南岸渡江臣飭魏喻義率所部由桐廬前進適與之合探報有賊約數千自杭城來援現擬先勦援賊以忱之如富陽堅城不可驟拔擬卽飭蔣益澧分兵助魏喻義扼要立營以綴城賊而自率所部由富陽而下以撼杭城再由嚴州撥兵駐新城護以師船以遏賊援而通餉運此現在攻富陽窺杭城

之情形也其屯踞皖南之賊約有三起一爲胡黃古賴諸逆卽踞甯國太平石埭旌德者也一爲花旗賊此股係廣東無賴匪徒前年由廣東湖南江西入浙皖者也人數最多無甚伎倆爲金陵賊寨所不齒時尾賊後遊行掠食踪跡靡常一爲賊首譚星卽前踞蘭谿抗官軍者也此股自蘭谿敗竄浦江諸暨經劉典及各營蹣蹣緊追直至富陽江邊其黨除殺斃溺斃及解散外存者不及三分之一臣於正月二十七日奏報連復武義永康東陽義烏浦江諸暨等縣城摺內卽言劉典一軍仍

須由嚴赴徽爲肅清皖南之計其時譚逆尙止竄近桐  
廬現亦趨併皖南矣太平石埭之賊時窺黟縣祁門邊  
界二月初一初二等日經分駐漁亭之總兵丁長勝副  
將王明輝等擊敗之初十日賊從藍湖米坑而來將窺  
祁門北界布政使銜新授江西吉南贛甯道王文瑞飭  
郭德馨楊海泰羅瑞山喻勝榮等迎擊之半途卽與賊  
遇郭德馨怒馬衝入賊中連斫賊數十後隊奮威衝殺  
賊大敗潰官軍蹣踪緊追北近藍湖賊復回拒藍湖之  
左有數賊張蓋騎馬突出麾羣賊向前迎敵郭德馨馳

斬其一各勇丁挺矛刺之數賊俱殲餘賊翻山竄逸適  
喻勝榮羅瑞山從兩路馳至痛加截殺與郭德馨合隊  
緊追過米坑十餘里沿途賊尸枕藉約共斃賊千餘生  
擒七十餘內有偽軍政司蘇四達黃齊升美天福張北  
湖被天福張小滿賜天燕易明陽偽丞相王大吉謙天  
福鍾有朋等賊目十數名其墜崖落澗死者則無數可  
紀也奪獲抬鳥鎗百數十桿旗幟三百餘面刀矛無數  
騾馬十三匹有此一戰胡古兩逆之勢頓衰祁夥當可  
無事惟微休之賊日聚日多其花旗之賊已經合併而

諜星一股聞已由昌化過千秋關竄逼徽州徽防官軍  
紛紛告警計劃興一軍此時亦已由威坪至屯溪臣又  
催飭其新募之勇由廣信趨婺源機勢湊拍或可力遏  
奔衝此現在攻勦皖南一路之情形也規杭郡可以綴  
賊竄擾江北之謀勦皖南可以遏賊突犯江西之路爲  
大局計卽所以爲浙計臣惟有勉竭駑鈍慎以圖之以  
求仰紓

慈廩所有兩路獲勝情形謹據實奏報伏乞

皇上聖鑒訓示施行謹

奏同治二年二月二十五日

議政王軍機大臣奉

旨另有旨欽此

請調京員并即用縣之新進士赴浙差委片

再浙省軍務吏治需林孔亟上年奏調各員有來浙者有因他省咨留未能赴浙者現在復地日廣差委乏員茲查有戶部候補員外郎顧菊生安詳練達留心幹濟湖南在籍戶部主事謝寶鏐志趣甚正饒有才識湖南在籍內閣中書吳士邁才品優長辦事勤懇可否仰懇

天恩將該員等發往浙江交臣差遣按照資階酌量改補外職再本年癸亥

恩科會試取中進士有應分發各省以知縣即用者并懇

飭下吏部於定例分發外多掣十數員來浙俾得隨時察看訓勉委署序補是否有當伏乞

訓示施行謹

奏同治二年二月二十五日

議政王軍機大臣奉



旨另有旨欽此

議政王軍機大臣 字寄同治二年三月十四日奉

上諭左宗棠奏水師進攻富陽陸軍防剿皖南獲勝並  
沈葆楨奏江省官軍連日在休甯縣境截剿獲勝各一  
摺浙省官軍剿賊得手羣賊鼠竄恆欲由皖南就食江  
西現在太平石埭之賊時窺黟縣祁門邊界爲總兵丁  
長勝等軍擊敗並經道員王文瑞等各軍於藍湖米坑  
等處痛加截殺胡古兩逆之勢已衰祁黟可以無事惟  
休甯尙未解圍徽境之賊日聚日多據左宗棠奏稱花

旗之賊業經合併而譚星一股亦已由昌化過千秋關  
竄逼徽州與沈葆楨摺內所稱同知王沐等於嚴寺等  
處擊走之賊皆爲花旗贖匪正符合草市地方旣爲  
休婺藩離王沐等所部僅二千人防剿殊形單薄此次  
雖由屯溪一路並次擊賊獲勝尙足以固軍心仍著沈  
葆楨督飭該文武等實力嚴防毋稍鬆懈不得以甫經  
獲勝致或疏虞爲賊所乘劉典一軍據沈葆楨奏已由  
威坪抵大川口經左宗棠復飭其催新募之勇由廣信  
以趨婺源是以繞出賊前機勢湊拍定能力遏奔衝以

解休甯之圍江省信防足資穩固卽著左宗棠督飭劉  
典等乘機妥辦並與江省官軍隨時聯絡互爲防勦以  
全大局桐廬旣克杭州上游關鍵祇富陽一城業經左  
宗棠飭令水師大加轟擊並踏平江岸堅壘軍聲日振  
著飭令蔣益澧所部之高連陞等及魏喻義等軍水陸  
會合將自杭來援之賊擊斷進拔堅城或令蔣益澧分  
軍自率所部由富陽下撼杭城以規杭郡卽可緞賊竄  
擾江北詭謀均著左宗棠相機辦理另片奏請調顧菊  
生等各員本日業經明降諭旨允准惟由外補一節須

俟各該員到浙後由該撫察看隨時奏明請旨此時未便概行照准致恐效尤而生奔競衢州府屬雖未失陷而鄉村半遭蹂躪殊可矜憫昨經明降諭旨一體蠲免二年漕糧以蘇民困浙省在籍紳士陶慶章前經王有齡奏參革職永不敘用昨據沈葆楨奏據其家人呈稱於紹興失陷時力戰受傷積勞身故亦經明降諭旨令左宗棠查奏矣將此由六百里各諭令知之欽此

同治二年三月十四日內閣奉

上諭左宗棠奏浙省軍務吏治需才孔亟請調京員赴

浙差委並請將即用知縣之本科進士多掣十數員赴  
浙等語戶部候補員外郎顧菊生湖南在籍戶部主事  
謝寶鏐內閣中書吳士邁均著發往浙江交左宗棠差  
遣委用並着吏部於本科進士引見後將即用知縣人  
員於定例分發外多掣十數員分發該省以資差委欽  
此

請飭道員兼督松所鹽務片

再浙江餉源以鹽務爲大宗所有行鹽引地上自徽州  
廣信下及松江共設三十六場分隸杭紹嘉松四所除

杭嘉引地尙未規復紹所亦甫離兵燹商竈星散正課  
虛懸應俟妥籌辦理外惟松所引地如上海最稱旺銷  
其華亭婁縣南匯奉賢金山等縣亦早一律肅清銷數  
自暢乃各場大使並不將每年應納鹽課竈課若干新  
舊草蕩沙蕩實額若干及連年所徵竈課錢糧解交何  
處據實稟報其意存欺隱可知非委明幹大員嚴爲釐  
剔不足以除夙弊而濬利源現浙江無員可委且隔省  
查辦呼應不靈惟現任江蘇蘇松常鎮太道郭嵩勳勤  
懇篤實公正廉平與臣生同里閭最所深悉以之督辦

松所鹽務可資整飭又新授金華府知府徐寶治聞其人尙謹飭堪令隨同郭嵩燾經理可否仰懇

皇上天恩俯念浙餉甚絀急須籌措飭下江蘇撫臣轉飭郭嵩燾兼轄松所鹽務出自

鴻慈謹附片請

旨 同治二年二月二十五日

議政王軍機大臣奉

旨另有旨欽此

同治二年三月十四日內閣奉

上諭左宗棠奏請飭江蘇道員督辦松所鹽務等語浙  
江鹽務惟松所引地最稱旺銷現在所屬之華亭等處  
早經一律肅清據該撫奏稱各場大使並不將每年應  
納各課新舊蕩額及連年所徵鹽課錢糧據實稟報其  
爲意存欺隱已可概見著派蘇糧道郭嵩燾妥爲經理  
督同金華府知府徐寶治就近將松所引地查明務使  
各項弊端逐一釐剔以重鹽務而裕餉源欽此



議政王軍機大臣 字寄同治三年三月十八日奉

上諭本日文清奏請陞見一摺業經准其來見明降諭  
旨將耆齡補授福州將軍左宗棠補授閩浙總督仍兼  
署浙江巡撫曾國荃補授浙江巡撫萬啟琛補授江蘇  
藩司馬新貽補授安徽臬司並已諭令耆齡接奉此旨  
即將所辦閩浙兩省防勦事宜及所部各軍移交左宗  
棠接辦左宗棠接辦後耆齡即赴福州將軍之任左宗  
棠現駐浙省軍務正當緊要其浦城防所應即遴委大  
員前往抑當如何接辦之處即由左宗棠酌度奏明辦

理閩浙兩省軍務兵勇均歸左宗棠節制者齡所部廣  
勇並著左宗棠於閩浙軍營內選擇善於駕駛之員派  
令統帶如廣勇實係不能得力有害無利即著左宗棠  
酌量撤遣浙省係左宗棠兼轄省分既兼署巡撫尤責  
無旁貸會國荃即著仍統前敵之軍駐紮雨花臺一意  
相機進取以圖金陵毋庸以浙事爲念此時會國藩巡  
江諒已旋至安慶仍著隨時與會國荃熟籌賊守機宜  
東南軍務惟在該督撫等戮力同心通籌全局共圖挽  
救國家異數酬庸尤爲地方擇人起見該督撫等諒能

益矢公忠以副委任也福建地方一切應辦事宜卽著  
徐宗幹認真整頓妥爲經理左宗棠身任兼圻遇有地  
方公事應行兼顧者與徐宗幹隨時咨會辦理將此由  
五百里各諭令知之欽此

同治二年三月十八日內閣奉

上諭閩浙總督著左宗棠補授仍兼署浙江巡撫欽此

進剿富陽援賊大獲勝仗情形摺

奏爲官軍進剿富陽援賊大獲勝仗現籌剿辦情形恭  
摺馳

奏仰祈

聖鑒事竊富陽踞逆經水師副將楊政等於二月初  
六日擊敗後伏匿城中於西門修卡安設大礮援賊復  
踞富陽城東北之新橋相爲犄角蔣益澧由南岸渡江  
二十二日卽飭高連陞熊建益兩軍移駐新橋迫之築  
壘未竟援賊分股來撲官軍開放大礮轟斃數十人賊

勢積卻官軍一鼓齊進賊卽退回村壘掠生擒賊供僞  
天將謝逆僞朝將汪逆僞主將汪逆於杭嘉等處挑選  
悍黨四萬餘已至新橋左右築壘數座僞聽王擁眾續  
至屯于後面村莊穩圖抗拒新授溫處道魏喻義率所  
部會同總兵劉清亮逼圍富陽縣城廿四日蔣益澧率  
親兵及左右後二旗移駐新橋田壠與賊隔水而營飭  
高連陞一軍由右路進熊建益一軍由左路該逆卽出  
大隊先撲左路熊建益嚴陣以待開礮轟擊斃賊數十  
名賊仍蜂擁而來熊建益大呼陷陣王聯芳李運榮李

世祥翁桂楊道洽分左右兩路擊之王東林率所部復由田壠橫截而出城市敗走後隊之賊又進熊建益等奮力衝殺斃大族悍賊數名始大敗狂奔陣斬悍賊四五百名奪馬三十六匹當左路酣戰之時賊分兩支撲犯中右兩路蔣益澧令徐文秀鄧受福率所部掩旂設伏低田飭周廷瑞賀國輝余朝貴等迎敵佯敗誘之賊至伏發駭而奔蔣益澧縱兵擊之斬馘無數賊遂敗歸右路高連陞督率所部迎敵斃騎馬賊目數名大族悍賊數十名賊敗走官軍乘勢猛進賊復分股抄襲

官軍勢幾不支蔣益漴急揮徐文秀鄧受福等馳往攔擊賊愈戰愈眾張志公王宗元匹馬衝入賊中手刃數賊王中元忽中洋槍登時陣亡張志公亦身被數創正相持間蔣益漴率親兵及張會充馬隊馳至高連陞等復挺矛回關立斃悍賊百餘名賊始大潰官軍齊隊跟追賊之墮港被戮死者又不下二百餘名其富陽城中踞逆見官軍進剿援賊突出二千餘人乘虛逕撲西門官軍營壘酋甲憑壘施放槍礮劉清亮督隊從旁抄殺斃賊數十名賊敗過石橋副將楊政謨都司羅啟勇

等率戰船山河邊進排礮轟之又斃賊多名此二十四  
日大獲勝仗之實在情形也伏查此股援賊均係首逆  
李秀成之黨自杭嘉糾合而來勢頗兇悍經蔣益澧等  
此次痛擊克敵稍衰惟戰地遼闊前阻小溪自上月十  
五日至今陰雨彌月溪流暴漲泥淖甚深難以趣戰或  
者誘賊厚聚此間致力於此即可收功於彼臣惟飭諸  
軍相機圖之富陽以下潮汐甚大舢板不能壓潮現製  
長龍戰船尚未就緒已調甯波水師布與有等艇船並  
由甯紹臺道史致諤僱募白鼈壳船十二號由鼈子門



駛進錢塘江助勦其新城縣城已飭遊擊賴錫光等帶  
所部精捷營駐守桐廬縣城以知縣楊鼎勳帶所部湘  
營駐守以通餉運而壯後路之勢所有此次力戰陣亡  
之都司銜守備王宗元應請

旨交部從優照遊擊例議卹以慰忠魂理合恭摺馳

奏伏乞

皇上聖鑒訓示施行謹

奏 同治二年三月十八日

奏報馳剿徽休賊匪獲勝情形摺

奏爲官軍馳剿徽休賊匪疊獲大勝現籌辦理情形恭摺馳

奏仰祈

聖鑒事竊臬司劉典一軍調回嚴州後臣卽飭其馳赴皖南二月二十一日行抵屯溪適接徽防總兵唐義訓駐營草市知州王沐械稱賊已逼近徽城由嚴寺街上至萬安街北至許村南至東關四十五里地方賊蹤密布並據生擒賊供僞金王鍾逆僞平東王何逆及僞梁王等踞潛口僞謝天軍主將賴逆踞嚴寺街僞襄王劉

官方及僞孝王康王等踞長林萬安街等處眾約十餘萬劉典以逆賊未知我軍突至利在速攻卽於二十四日分四營進紮梅林以防賊由休甯南路繞竄並約唐義訓王沐兩軍尅期會剿二十五日飭黃少春張聲恆率所部攻嚴寺街李耀南黃有功朱尊賢率所部攻長林劉典率中營及楊芳桂馬隊從萬安街搽剿而下賊方一意上竄忽覩浙軍驟至卽大潰退追過河西始結陣回拒另股由山谷中竄出抄我後路劉典一面分軍截剿一面率親兵從中橫擊朱尊賢黃有功復督隊猛

進賊大敗向山路猛附而遁時黃少春張聲恆由右路  
進攻巖寺街已奪據街後山梁適王沐繼率營馳至並  
力夾擊喻可宗齊蘭禮扼卡截殺爭先過橋人眾橋狹  
自相蹂藉及逼溺而死者不可勝數橋洞爲積屍所塞  
河水斷流追至潛口始收隊還約計斃賊近萬獲賊馬  
三十餘匹生擒悍賊三百餘名餘遁退往徽州北路之  
許村箬嶺以至藍田一帶而僞金王康王糾合僞天將  
鍾王等逆復進踞潛口劉典以藍田可北趨黟縣西出  
漁亭僅總兵丁長勝副將王明輝兩營駐守漁亭伺嫌

單薄卽飭王沐移紮九鰲橋飭張聲恆朱尊賢填紮草市以固徽州西南之防三十日劉典移營進紮辰刻昏霧四塞大雨如注急令收隊而前隊已至長林者猝不及收該逆分三路來撲劉典卽率親兵馳往策應甫將隊伍收過小港賊騎數十環繞而前相距不過數丈劉典劉文謨劉椒廷數騎左右衝突相持數刻賊不敢近適黃少春李耀南黃有功各率所部馳至賊始敗走是役殺賊僅百餘名奪獲賊馬六匹而參將張顯榮守備金友成左蘭明均以深入力戰陣亡所部弁勇陣亡至

八十餘名之多至爲危險蓋因沈羅暴雨瞭望不及所致也三月初一日僞金王鍾逆率悍賊萬餘來撲梅林營壘中路官軍俟賊迫近疾起擊之左右兩路從山谷中抄出賊大敗狂奔官軍追殺十餘里斃賊數百名生擒百餘名初五日鍾逆賴逆又糾賊數萬來撲營壘劉典節左右兩路掩旂分伏壘外飭李耀南楊在田楊芳桂等由中路誘賊賊見官軍無多峰擁而至中路屹立不動賊分股抄我右路官軍亦佯爲不知俟左路各營繞出賊後中右兩路始發號擂鼓乘之賊喪膽狂竄追

殺十餘里陣斬瓏天義黃宗保等賊目多名斃悍賊數百名生擒百餘名初七日黃少春黃有功等五營由東關出潛口之右劉典率中後兩營前左右後四旗由長林出潛口之左賊見官軍至隔岸遙放槍礮劉典知其怯也麾軍猛擊賊卽棄械狂竄追過潛口十餘里沿途斬馘數百生擒數十名解散脅從不知其數河潛口街市賊屍駢死詢據生擒賊供該逆於初五日擊敗後驚怖異常初六夜謠傳官軍大至昏夜自相截殺死者又數百人逃者尤眾現已竄往太平縣而去劉典已飛

飭黃少春等兩營四旗及楊芳桂馬隊馳赴漁亭會同  
王文瑞王沐克期進剿黟縣此劉典一軍力戰徽休之  
間屢獲勝仗徽休解嚴實在情形也其駐防祁門之江  
西吉南賴甯道王文瑞於二月十三日分遣總兵丁長  
勝等出嶺擊敗藍湖之賊二十五六等日賊首劉官方  
僞天將劉官福等復竄至藍田湖村山坑一帶二十七  
日漸迫漁亭丁長勝王明輝鄧榮達周玉南莫坤和等  
督隊迎剿王明輝手斬先鋒悍賊數名賊大敗官軍乘  
勢追殺斃賊三四百名生擒四十餘名二十九日該逆



率眾來撲直逼街口對岸之賊已抄過漁亭之後鄧榮達周玉南等卽由街巷中殺出王明輝率所部從右繼之河水陡漲迤左山如壁立鄧榮達等繞出賊後奮力截勦該逆墮河溺斃者約數百名適丁長勝將其抄後一股斬殺殆盡賊膽愈喪奪路狂奔丁長勝王明輝鄧榮達等四面蹙之斃賊千數百名陣斬偽天將劉官福等大小賊目數十名生擒二百六十三名奪獲旗幟槍礮騾馬無算餘逆竄回夥縣糾合偽對王洪春元偽顧王吳如孝偽普王楊輔清之黨圖竄祁門初二等日

竄至柏溪距祁門僅二三十里初三日王文瑞進剿行  
近柏溪適與賊遇奮力衝擊賊始潰亂官軍蹣跚緊迫  
追出嶺外日暮遇雨而還計是役往返百二三十里殺  
賊數百名生擒五十七名署皖南道葉兆蘭分撥團練  
伏於山坳者搽斬餘賊亦不下二三百名此王文瑞一  
軍力戰祁門漁亭之間疊獲勝仗實在情形也其劉典  
未到之先力戰草市屯溪之間疊獲勝仗者爲江西撫  
臣所遣王沐一軍戰事情形也江西撫臣奏報徽婺士  
民亦深感之臣維各股逆賊麇聚於徽休祁門一帶原

圖由此越竄江西幸王友瑞王沐力扼祁門草市漁亭  
劉典一軍迅赴屯溪得救緣休之危扼其上竄而現在  
敗賊多趨黟縣與祁門緊接劉典一軍必殲除此股而  
後可無後顧之虞頃接探報寧國有另股賊匪續竄績  
溪其竄國旌德太平石埭等縣仍爲賊踞劉典擊敗之  
賊又已竄入池州屬之建德縣逆氛漸趨江西景德鎮  
之防殊爲喫緊臣前飭王德榜一軍由白沙關速回浮  
景冀可稍遏奔衝惟賊數太多占地太廣浙軍未免爲  
所牽綴前此劉典赴徽時臣面與籌商亦曾以援皖得

手賊必由池建竄越江西浮景仍爲可慮屬其無分江  
皖相機援剿以收夾擊之功如果皖事漸緩浙軍可敷  
分撥自當星馳入江共圖掃蕩斷不敢稍事遲回仰煩  
聖慮所有此次力戰陣亡之花翎參將張顯榮都司銜  
守備左萬明守備金友成三員皆係臣部壯士四載相  
從不辭艱險一旦深入中伏捐軀實爲痛惜合無仰懇  
天恩交部從優議卹以慰忠魂謹會同協辦大學士兩  
江總督臣曾國藩恭摺馳  
奏伏乞

皇上聖鑒訓示施行謹

奏

同治二年三月十八日

議政王軍機大臣 字寄同治二年四月初七日奉

上諭左宗棠奏官軍進勦富陽拔賊大獲勝仗並勦辦  
徽休賊匪疊獲大勝沈葆楨奏老湘營迎勦祁西巨股  
獲勝及韓進春等軍在陳家嶺一帶擊敗竄匪各摺片  
覽奏均悉首逆李秀成之黨白杭嘉糾合醜類援救富  
陽經藩司蔣益澧等痛加勦擊兇醜稍衰左宗棠現在  
添造長龍戰船並檄調甯波水師駛進錢塘江助勦著

卽嚴飭水陸各軍合力進剿迅拔堅城務將此股悍賊  
悉數殲除勿留餘孽其竄擾徽休之賊節經臬司劉典  
督率兵勇先後在其寺街潛口等處迎擊殺斃無算退  
竄太平黟縣其闖竄祁門之賊亦經道員王文瑞督率  
丁長勝等以少擊眾疊獲奇捷殺斃逆匪甚多追出嶺  
外徽防可期穩固惟各股逆賊應聚休祁一帶原圖窺  
越江西現雖擊退而績溪旌德太平石埭等縣尙爲賊  
踞敗賊復竄回建德饒郡之防殊爲喫緊韓進春率勇  
在陳家嶺灣里周村一帶奮力攻剿賊由洋塘山路東

趨尙有僞愛王一股由建德後河跟踪而上彭都各縣  
鄉團雖尙能聯絡而賊數太多蔓延太廣必須厚集兵  
力方可以掃蕩羣寇著沈葆楨督飭在防員弁認真堵  
剿並激勵各屬團勇就近策應以輔官軍所不逮毋得  
稍有疎虞饒廣爲浙軍後路關繫緊要此時賊匪分道  
竄逼江西王德榜一軍尙恐兵力不厚並著左宗棠妥  
籌兼顧如曉事稍鬆卽飭劉典等軍無分畛域隨時相  
機援剿俾該匪不能竄越得景方爲妥善所有徵休陣  
亡之花翎參將張顯榮都司銜守備左萬明守備金友

成均皆交部從優議卹其官陽陣亡之都司銜守備王  
宗元著交部從優照遊擊例議卹以慰忠魂左宗棠另  
摺奏請將杭州湖州殉難文武大員賜卹等語浙江學  
政刑部右侍郎張錫庚前日已照尚書例議卹茲復降  
旨加恩予諡並將按察使甯曾綸湖州協副將鄧爾霍  
巴照所請議卹建祠入祀矣署布政使司麟趾湖州府  
知府瑞春據奏訪聞均於城破時殉難仍著左宗棠查  
明該員等死事詳細情形具奏再降諭旨道員暹福湖  
州紳士道員趙景賢下落並著該督一併查明據實奏



聞左宗棠另片一件著留中將此由六百里各諭令即之欽此

請卹杭湖殉難文武大員摺

奏爲查明杭州湖州殉難文武大員懇

恩賜卹仰祈

聖鑒事竊准兵部咨開同治元年三月二十七日內閣

奉

上諭薛煥奏訪問杭城殉難各員情形等語薛煥是否所聞確實著交左宗棠詳加查明迅速分別請卹欽此

又十二月初五日內閣奉

上諭都察院奏候選知州甯曾笏以伊胞兄浙江按察使甯曾綸守城殉節懇請賜卹等語上年十一月賊陷浙江省城據薛煥奏訪聞學政張錫庚副都統傑純署布政使杭嘉湖道麟趾等殉難各情當經交左宗棠詳查具奏迄今事閱年餘而該員等尙未仰邀優卹殊非朝廷褒勵忠節之意著左宗棠會同李鴻章再行詳查張錫庚等殉難情形與甯曾綸一併奏請議卹此外浙江殉難各員並著查明具奏欽此伏查浙江省城困守

兩月有餘卒以糧盡援絕被陷除將軍瑞昌巡撫王有齡副都統傑純已奉

旨優卹外其在城文武等或奮陷殺賊力竭捐軀或矢志靡他全家被害忠義之氣實足翊世教而照汗青茲臣駐軍嚴州距杭湖較近遇有士民自杭湖逃出者詢以城內之官下落僉稱學政張錫庚按察使甯曾綸城陷時突已殉難署布政使麟趾巷戰至武林門中槍身死並派員至上海查詢由湖避難赴滬之士民據稱湖州府城自杭城陷後被賊圍攻五月有餘嗣以糧盡失

陷知府瑞春罵賊不屈遇害湖州協副將鄂爾霍巴圖  
寔白焚等語伏查浙江學政刑部右侍郎張錫庚於杭  
城被陷見危授命大節凜然應請

旨照侍郎例從優議卹

予諡署布政使杭嘉湖道麟趾由知府升任道員擢署  
藩司杭州被圍隨同巡撫王有齡登陴固守六十餘日  
城陷復督勇巷戰力竭捐軀深堪嘉憫應請

旨照布政使例從優議卹

予諡按察使甯曾綸由御史歷擢浙江臬司城陷投繯

白盡洵屬大節無虧應請

旨照按察使例從優議卹補用道湖州府知府瑞春督率士民嬰城固守城陷之日罵賊不屈遇害死事甚烈應請

旨照道員例從優議卹湖州協副將鄂爾霍巴固守湖州屢挫賊鋒城陷間室自焚尤屬慘烈應請

旨照副將例從優議卹張錫庚麟趾甯會綸均請入祀浙江省城昭忠祠瑞春鄂爾霍巴並請於湖州建立專祠其各該員家屬隨同殉難者容俟查明請

旨旌表此外殉難各員俟採訪明確卽當彙案奏請卹  
典以副我

皇上褒勵忠節之至意所有查明杭州湖州殉難文武  
大員先行懇

恩賜卹緣由理合恭摺馳

奏伏乞

聖鑒施行謹

奏同治二年三月初八日

同治二年四月初七日內閣奉

上諭左宗棠奏查明浙江殉難大臣懇恩賜卹一摺浙  
江學政刑部右侍郎張錫庚於杭州城陷後見危授命  
大節懍然業經降旨照例賜卹著再加恩予諡按  
察使甯曾綸於城陷後投繯自盡大節無虧可嘉可憫  
著照按察使例從優議卹張錫庚甯曾綸並著入祀浙  
江省城昭忠祠湖州協副將鄂爾霍巴固守湖州府城  
屢挫賊鋒城陷後悶室自焚尤屬慘烈鄂爾霍巴著照  
副將例從優議卹並於湖州府城建立專祠以彰忠藎  
該部知道欽此

恩蠲浙省錢漕請於二年之上冠以同治二字欽

遵片

再臣於三月十六日嚴州行營欽奉同治二年二月二十八日

諭旨浙東新復各府州縣地方著加恩蠲免二年錢漕以蘇民困該督撫卽刊刻謄黃通行曉諭並督飭各地方官吏安集流亡加意撫綏毋任吏胥弊混用副朝廷軫念民艱至意等因欽此仰見我

皇上痼瘼在抱加惠黎元於籌餉極艱之時猶復軫卹



民生由加蠲貸歷覽史冊所載平時水旱偏災尙有賜予蠲復者至用兵之際餉需匱乏蠲復之事蓋鮮所聞此我

朝仁愛之施所由超軼千古也伏維浙省失陷郡縣同治元年錢糧曾奉十一年十二月二十日

恩旨豁免北經飭司刊刻謄黃通行曉諭並將辦理情形恭摺覆陳在案嗣因台州府屬六縣鄉民集團殺賊克復郡縣各城又經臣會同前督臣慶瑞奏奉

恩准豁免同治元二兩年錢糧欽遵刊刻謄黃亦在案

茲復欽奉

諭旨新復各府州縣地方加恩蠲免二年錢漕應卽欽遵刊刻謄黃曉諭惟敬繹

恩旨係指同治二年錢漕而言恐愚民無知誤以爲蠲免兩年錢漕將來或致別滋輻輳浙中士紳習氣每以鼓煽愚民挾制官長爲能若文字之間稍可假借必將托以爲詞伏乞

聖鑒訓示所有蠲免本年新復各府州縣錢漕

恩旨可否於二年字樣之上冠以同治俾得欽遵飭司

刊刻謄黃以播

皇仁而免誤會現在新復地方冊籍亡失不能啟徵候  
欽奉

諭旨到日謄黃曉示尙未爲晚理合附片陳奉請

旨 同治二年二月十八日

同治二年四月初七日內閣奉

上諭前因浙江省金嚴甯紹臺等府地方均爲賊踞百  
姓慘遭荼毒曾經降旨將浙東新復各府州縣均蠲免  
二年錢漕以蘇民困嗣因衢州一城雖未失陷而西安

縣各鄉亦俱被匪焚掠復降旨將該縣錢漕照新復州縣一體蠲免茲據左宗棠奏稱同治元年分錢糧業已於咸豐十一年冬間奉旨豁免所有前奉恩旨請飭遵行等語浙江被陷地方同治元年分錢漕既已有旨豁免卽著將同治二年分應徵錢漕一體豁免並著於原降諭旨二年上添註同治二字以示區別而免牽混該撫其速卽頒發騰黃徧行曉諭欽此

劣紳倚勢壓民請先革職嚴辦片

再浙江民風公戰則怯私鬪則勇富者急於求利貧者

拙於謀生遇賊匪則畏之見兵勇則欺之其弊也民與兵勇仇紳與官吏仇久且民與民仇而械鬪之患起紳與紳仇而傾軋之計生乖氣積久災沴乘之浩劫所以獨鍾於一方也臣入浙已逾一載師行所至每召諸父老子弟痛切訓誨冀滌其疵俗漸復古初而痛思其受弊之由則惡劣紳士藐官牟利之罪無可追也除確訪地方各衿棍嚴檄指拏隨時訊明懲辦外茲復訪聞蘭溪縣在籍刑部郎中唐志歐倚勢欺壓平民無所不至本年二月中旬誣民人吳和君偷伊洋煙據提拷詐除

勒詐洋銀外並勒將田產契卷交付始允釋放數日內  
又有詐勒唐姓財物之事前此又有勒詐衢州藥店洋  
銀數十元之事不法劣跡殆難悉數而受害之家噤不  
敢控卽該郎中之親故亦多畏禍謹避者其兇惡已可  
概見臣查唐志歐卽現任給事中唐王森之姪其父唐  
茂興曾以助守縣城抗節殉難邑人重之又唐王森平  
日訓約頗嚴唐氏一門多隸士籍家風素爲謹飭該縣  
公正士紳亦以此未敢顯然攻發其惡而語及唐志歐  
則無不太息蹙額者矣臣現飭署蘭谿縣知縣江紹華

查明唐志歐劣跡據實具稟聽候核奏應請

旨將在籍刑部郎中唐志歐先行革職按律審擬以彰  
直道而洽輿情理合附片請

旨 同治二年三月十八日

同治二年四月初七日内閣奉

上諭左宗棠奏請將在籍惡紳先行革職審訊等語所  
江蘭給縣在籍刑部郎中唐志歐平日倚勢欺壓平民  
無所不至本年二月間復誣民人吳和君竊伊洋煙槍  
捉拷詐並將吳姓田產契券逼勒交付復有勒詐唐姓

財物及藥店洋銀之事種種兇惡實屬衣冠敗類若不  
嚴行懲辦何以安良懦而警兇頑唐志歐著先行革職  
交左宗棠查明劣跡按律從嚴懲辦欽此



奏報進剿祁黟賊匪克復黟縣情形摺

奏爲官軍進剿祁黟賊匪速獲大勝克復黟縣嶺內一律肅清恭摺馳

奏仰祈

聖鑒事竊微休解嚴祁門撫亭獲勝情形業經臣左棠棠奏報在案維時羣賊嘯聚黟縣祁門力圖由此竄出浮景以擾江西僞堵王王文金僞佑王李遠繼等勾結太平石埭賴古兩逆由建德過新安嶺至太白鋪渚口等處迫近祁門西路黟縣之賊亦時擾祁門東路王文

瑞以賊氛四逼當將駐防漁亭之總兵丁長勝等調回  
祁門並由王沐酌派繼果前左兩營赴祁助剿三月初  
十日賊踪緊迫祁門西路之干佛橋小路口一帶距城  
僅止十里十一日王文瑞督隊分路迎剿行至七里橋  
遇賊丁長勝喻勝榮開礮斃先鋒悍賊十餘名賊猶猛  
撲官軍奮力衝殺熊常富率親兵繼之賊始敗走迨至  
小路口賊復以大股回拒官軍猛擊數次斃賊千餘賊  
死拒不退喻勝榮匹馬陷陣手受矛傷項長彭友年裹  
創力戰陣亡官軍益加憤怒鼓譟而前左右兩路齊出

羅瑞山力擊其中郭德馨等後應之楊海泰鄧榮達康  
榮詔等斜擊其右賊乃大潰羅瑞山據隘口截殺賊酋  
乘馬挺矛死門官軍四面蹙之殲斃殆盡後股之賊紛  
紛竄走楊海泰鄧榮達等繞出千佛橋迎擊又斃賊無  
算計是役共斃賊七八千名生擒八百六十五名奪獲  
偽印三百餘顆騾馬二百餘匹槍礮旂幟不計其數訊  
據生擒賊供首逆偽佑王李遠繼已被官軍陣斬並殲  
斃賊目甚多此三月十一日王文瑞一軍大獲勝仗之  
實在情形也其劉典一軍將徽州北路肅清後卽飭黃

少春等七營於初十日進剿休甯北路藍田之賊斬獲  
百餘名十二日進剿小溪之賊又斬賊數十名十四日  
王沐因賊由夥西竄至黃路楠木嶺一帶漁亭赴祁門  
道路梗阻遂率所部轉戰而前又斃賊二三百名而該  
逆大股仍盤踞黟縣城內自夥西以至祁門東北折而  
至祁門南境均無賊踞王文瑞將丁長勝等調回祁門  
漁亭僅王沐一軍駐守頗形單薄劉典卽飭黃少春等  
各營進紮漁亭張聲恒齊蘭禮移駐九鵬橋劉典自率  
親兵於十六日行抵漁亭偕黃少春王沐等登山瞭望

見黟境四五八九等都賊踪已滿綿亘數十里黟縣至  
漁亭大路又設一堅卡以阻我師劉典以賊眾我寡利  
在速戰當於十七日率黃有功廖渭臣楊芳桂等由中  
路進黃少春喻可宗劉昌選李良平張福齊等由左路  
進王沐朱明亮等由右路進甫進卡邊該逆出悍黨千  
餘分列山巔搖旂拒戰王沐率所部奮擊斃大旗悍賊  
數名賊敗入卡劉典令各營晁水過河將卡賊擊敗而  
城賊及左右村莊之賊大至眾約數萬見官軍無多蜂  
擁而前適黃少春率左路各營沿巖而下中右兩路一

齊猛進賊勢大潰劉典遂將賊卡拆毀急令黃少春率所部各營由左路以攻四五都之賊王沐率繼果右後兩營朱明亮率桂營由右路以攻八九都之賊劉典率黃有功楊芳桂等及繼果前營劉志友追賊至彭縣城下賊回撲數次均經官軍擊敗遂乘勢奪門而入賊由東門竄走適右路各營將八九都之賊剿除追至大園左路各營將四五都之賊剿除歸併城東併力又追十餘里始收隊還其小溪一帶有賊千餘來撲經張聲恆率所部擊敗餘逆悉向羊棧嶺方千嶺一路逃竄是役

斃賊四五千名解散齊眾無算奪獲騾馬五十餘匹賊遺穀米一萬餘石旂幟鎗礮不計其數此三月十七日劉典王沐兩軍大獲勝仗克復黟縣之實在情形也十九日王沐率所部進紮黟城右山劉典派朱明亮黃有功廖渭臣等三營助之築壘未竟該逆率大隊來撲王沐朱明亮等奮擊斃悍賊多名賊敗去二十一日該逆又率大股萬餘人分路來犯王沐朱明亮等督隊猛進將賊擊敗賊復悉眾回撲官軍勢幾不支黃少春等繞出賊後擊之賊駭而奔追殺十餘里斃賊數百名生擒

數十名據生擒賊供該逆屢經官軍擊敗尚拚死圖竄嶺內者因太平古逆扼其去路必欲嗾各逆竄越江西並加騎賊前來助戰而另出大股偷竄徽休以撓官軍後路二十四日劉典率數騎前往瞭視黟縣之十都黃村盧村等處賊已堅築營壘有久踞之勢若不疾擊必爲所乘遂於二十五日進剿曉霧漫空不辨行徑該逆見左路有官軍至併力來拒黃少春率所部奮擊張福齊破其一壘李良平復降其二百餘名中左兩路之賊來援李耀南楊芳桂率所部馳至黃有功陳瑞和廖渭



臣由中路王沐朱明亮劉大謨由右路已繞出賊後賊見官軍齊進大敗狂奔王沐朱明亮截住痛殺陣斬絢天義古文祐等悍賊多名黃少春率各營追至羊棧嶺賊回拒黃有功陳瑞和廖渭臣繞從右山截擊賊遂分向嶺外竄去是役踏破賊壘二十一座斃賊近二千名生擒百餘名拔出難民無算二十六日有零股回竄經李耀南黃有功陳瑞和等率所部追剿又斃賊約三百名生擒僞主將林逆礫之此疊獲勝仗黔境肅清之實在情形也惟疊據駐防江西景德鎮道員段起械稱池

建之賊已竄遁石門距景德鎮僅七十餘里青陽等處之賊亦併圖上竄饒景戒嚴劉典擬留王沐防守黟縣自率全軍馳赴浮景助剿頃據王沐稟報已回援景德黟縣無兵留防而賊踪尙環伺嶺外徽休一帶空虛又虞闌入劉典未便移軍入江致有顧此失彼之慮如果太平石埭賊踪全數竄江劉典自當越皖援江以符原議竊該逆各大股由廣德分竄皖南蔓延愈廣而浙東敗賊復竄入合股其圍繞徽州休甯者意在闌越婺源以入江西之德興樂平其竄踞黟縣圍繞祁門者意在

闖越浮景之東以出德興樂平之間而抄浮梁景德之  
後耳此次官軍肅清欽休績刻黟縣嚴守祁門前後斃  
賊實有二萬數千之多拔出難民男婦亦以數萬計用  
能肅清嶺內痛挫兇鋒保固江西浙江邊圉自師行以  
來無日不雨亦幾無日不戰在事文武將士且防且剿  
夜以繼日辛苦備嘗臣等亦未嘗不念其勞而憂其孤  
也浙江按察使劉典臨陣身先士卒屢瀕危險而忠憤  
之氣不衰實足愧諸庸懦之將現在徽休肅清黟縣克  
復可否

賞加清字勇號以示激勵布政司銜江西吉南鎮甯道  
士文瑞力守祁門屢敗大股賊匪勞績卓著應請

賞給該員祖父母父母兩代二品封典總兵銜副將黃  
少春應請交軍機處記名遇有浙江總兵缺出請  
旨簡放副將黃有功楊芳桂均請

賞加總兵銜副將銜參將喻可宗參將齊蘭禮均請以  
副將仍留浙江補用並

賞加勇號都司銜守備劉大謨請以遊擊補用並

賞換花翎江西補用同知直隸州知州王沐請以知府

仍歸江西儘先補用同知李繼南請以知府仍留浙江  
補用並請

賞戴花翎其餘出力員弁可否由臣左宗棠沈葆楨分  
案擇尤保獎之處出自

天恩其陣亡之擬保花翎遊擊都司銜守備彭友年擬  
保把總羅廣林應請

官照擬保官階例議卹以慰忠魂謹合詞恭摺馳  
奏伏乞

皇上聖鑒訓示施行謹

奏同治二年四月初六日

同治二年四月二十二日内閣奉

上諭前據沈葆楨奏官軍會克黟縣城池當令降旨官  
示並將出力之同知直隸州知州王沐以知府仍留江  
西儘先補用賞給勇號茲據會國藩左宗棠等奏克復  
黟縣嶺內肅清一摺逆匪腐聚黟縣祁門圖竄江西經  
王文瑞等擊賊於七里橋小路口干佛橋等處斃賊七  
八千名生擒八百餘名陣斬偽佑王李遠繼殲斃賊目  
甚多其黟縣踞賊經劉典王沐等分路進破堅卡收復

縣城後王沐等督軍進紮縣城石山迭次擊退撲營悍  
賊並將夥縣之十都黃村盧村等處賊壘痛加剷洗陣  
斬偽綢天義古文祐等悍賊多名進至半棧嶺敗賊紛  
向嶺外逃竄其踏平賊壘三十一座斃賊近二千名嶺  
內一律肅清其攻克夥縣戰狀與沈葆楨前奏大略相  
同剿辦甚爲得手所有尤爲出力各員除王沐業經給  
予獎敘外浙江按察使劉典著賞給阿爾剛阿巴圖魯  
名號布政使銜江西吉南鎮甯道王文瑞著賞給該員  
祖父母父母二品封典副將黃少春著交軍機處記名

遇有浙江總兵缺出請旨簡放黃有功楊芳桂均著賞  
加總兵銜參將喻可宗齊蘭禮均著以副將仍留浙江  
補用喻可宗並賞給鋒勇巴圖魯名號齊蘭禮並賞給  
健勇巴圖魯名號守備劉大謨著以遊擊補用並賞換  
花翎同知李耀南著以知府仍留浙江補用並賞換花  
翎其餘出力員弁著左宗棠沈葆楨分案擇尤保奏以  
示鼓勵陣亡之擬保遊擊都司銜守備彭友年擬保把  
總羅廣林均著交部照擬保官階例議卹以慰忠魂欽  
此



陳明溫瑞海關改由溫處道就近徵解片

再溫州海關稅務向由甯紹台道派人徵收相隔太遠  
流弊無從稽核致書吏得以任意侵吞關稅全無實際  
本年正月<sub>臣</sub>請補溫州府知府周開錫兼署溫處道篆  
履任之始卽飭就近確查將關書酌量更換由該道徵  
解毋庸歸甯紹台道兼管以昭核實茲據兼署溫處道  
周開錫申稱委員駐關徵收自正月二十八日起至二  
月三十日止共收過各項正耗稅銀一千六百兩六錢  
四分七釐錢七十九千二百九十八文其辛工紙張飯

食等款容隨時酌給另文造報等情前來除仍飭令認真稽核隨時釐剔弊端務期關稅日有起色以裕餉需外所有溫瑞海關改由溫處道就近徵解毋庸歸甯紹台道兼管緣由理合附片陳明伏乞

聖鑒施行謹

奏 同治二年四月初六日

議政王軍機大臣奉  
旨該衙門知道欽此

請卹浙省殉難文武官紳摺

奏爲查明浙省殉難文武官紳請

旨議卹以勵忠節事竊浙江省城自咸豐十一年十一月失陷在城殉難各員疊奉

諭旨交臣查明具奏除將甯瑞昌巡撫王有齡副都統傑純已奉

旨優卹學政張錫庚署布政使麟趾等已奏請

賜卹外其餘各員節經臣飭司詳查茲據代辦藩司蘇式敬臬司劉典將各屬殉難文武官紳查明彙詳請

奏前來臣細加覆核該員等或臨陣捐軀或集團遇害  
或勵官常而見危授命或篤儒行而矢志不渝孤忠亮  
節實足光史冊而振綱常理合開具清單恭呈

御覽飭部分別議卹以慰忠魂其團董及殉難婦女應  
併由臣分造清冊咨部

題請旌卹至此外殉難各員容再查明具

奏伏乞

皇上聖鑒施行謹

奏同治二年四月初六日

謹將浙江殉難文武官紳開列清單恭呈

御覽

記名總兵儘先副將吳藍臣湖南人

該員於咸豐十一年經巡撫王有齡提督饒廷選檄委駐防海甯州城陷力戰陣亡

定海鎮標中營遊擊署撫標中營參府林台三黃巖縣人

該員於咸豐十一年七月經巡撫王有齡委赴台州臨海黃巖查辦土匪及勸辦團練事宜十一月賊陷黃巖

縣城率圍力戰陣亡

都司銜杭嚴衛掌印守備吳文鈞江蘇丹徒縣人

藍翎儘先千總胡慕超廣東香山縣人

儘先把總撫標右營外委呂秉禮仁和縣人

撫標右營外委呂秉誠仁和縣人

該四員於杭城失陷力戰陣亡

嘉興協左營把總葉廣原

該員聞杭城失陷閉門放火殉難

候選道朱琦廣西臨桂縣人

該員留浙差委防守杭州清波門城陷率團巷戰遇害  
捐升知府題補上虞縣知縣胡堯戴湖南武陵縣人  
該員於咸豐十一年十月二十一日親督勇丁在城外  
力戰陣亡

蘭谿縣知縣興霖內務府鑲黃旗漢軍恆桂佐領下人  
該員於咸豐十年調省當差杭城失陷罵賊不屈遇害  
同知銜龍泉縣知縣程國賢安徽歙縣人  
該員於咸豐十一年調省差遣派查候潮門城陷遇害  
同知銜諸暨縣知縣鳳杓蒙古鑲紅旗人

該員調省差遣咸豐十一年九月派令守城城陷遇害  
題補西路鹽場大使周鼎成

該員管帶閩勇杭城失陷力戰陣亡

金華府教授蔡召南蕭山縣人

咸豐十一年四月金華失陷該員端坐府學署中罵賊  
不屈被賊刃傷投井而死

仙居縣教諭吳晉錢塘縣人

咸豐十一年十月仙居縣城失陷被賊戕害

宣平縣教諭王椿煜分水縣人



咸豐十一年十一月在宣平縣茶坑地方集團禦賊遇害

龍游縣教諭孫仁壽錢塘人

咸豐十一年四月赴鄉辦團九月在龍游東鄉遇害

開化縣訓導薛芳紹興府人

咸豐十一年十二月在開化縣宋村地方集團禦賊遇害

遂安縣訓導胡慶祺臨安縣人

咸豐十一年十月初五日遂安縣城失陷投水殉難

上虞縣典史曹燮順天府大興人

咸豐十一年十月賊陷上虞該員看守監獄遇害

署秀水縣典史補用從九品熊士龍江蘇淮安衛籍  
咸豐十年四月賊陷嘉興府城該員罵賊不屈遇害  
杭州織造司庫海安內務府鑲黃旗柏壽佐領下人  
該員於杭城失陷時手刃二賊遇害

候選道辦處庫守榮桂

該員係海安之孫杭城失陷同時殉難

候選通判林聯芳廣東新會縣人

候選縣丞徐嘉賢廣東南海縣人

該二員留杭差委咸豐十一年十一月賊陷杭城遇害  
廣東試用布經歷熊光洛安徽潛山縣人

該員管帶義字營杭城失陷力戰陣亡

候選從九品冉自擇四川奉節縣人

該員隨同副將余永椿於咸豐十一年四月在涪安縣  
港口地方打仗陣亡

候選從九品戴臣廉廣西臨桂縣人

該員隨同參將戴兆熊管帶水師在省領餉城陷遇害

選從九品羅照贊湖南長沙人

該員管帶奮武軍駐紮杭州慶春門城下城陷中戰陣  
亡

已革湖南提標右營千總儘先守備王玉龍

該員於咸豐十一年九月在衢州府城外打仗陣亡

外委程林安徽歙縣人

該員管帶果毅軍咸豐十一年四月在潛安縣港口打  
仗陣亡

知府銜分發江蘇同知袁焜天台縣人

該員帶勇回援省城九月初七日行抵東陽適值縣城失陷與賊力戰陣亡

藍翎外委王小雷永康縣人

該員隨同袁焜力戰陣亡

藍翎五品軍功胡鳳恩永康縣人

藍翎五品軍功儘先把總張得興永康縣人

藍翎六品軍功廩生袁藻永康縣人

該三員管帶健勇駐守東陽永康交界之孔宅地方同治元年十一月大股賊至力戰陣亡

擬保副將花翎儘先參將胡鳳鳴永康縣人

該員由武進士歷保參將出師皖南回援浙省行至壽昌路阻改由處州而至台郡適值天台仙居兩縣失守台州府龔振麟移請防堵黃巖咸豐十一年十一月黃巖失陷力戰陣亡

藍翎儘先把總尹篤性臨海縣人

藍翎五品軍功施上林永康縣人

該二員隨同胡鳳鳴在黃巖縣打仗陣亡

道銜員外郎用戶部主事何惟俊山陰縣人

該員在籍辦團賊陷紹興府城自縊殉難

知州銜前署湖南桂陽縣候補知縣葉維藩松陽縣人  
該員帶勇駐紮松陽縣堰頭咸豐十一年七月賊犯堰  
頭殺賊多名旋因眾寡不敵陣亡

原任廣西永甯州知州張致彥

廩生張致岡

監生張師六

該三員均係浦江縣人咸豐十一年七月在本籍孝門  
橋地方集團禦賊斃賊多名旋因眾寡不敵同時力戰

陣亡

候選通判孫懷邦鎮海縣人

該員在鎮海縣大雷地方集團官約官軍進攻甯郡適於同治元年二月二十四日賊犯定海舟山時遇賊搜出公文被戕

生員石祖繹浦江縣人

該生於咸豐十一年九月率團在浦江縣石家村禦賊陣亡

候選知縣唐茂莘



候選布理問林廷秀

候選縣丞戴鹿巖

附貢生戴鹿谿

附貢生柳晉源

武生郭老組

該六員均係蘭谿縣人咸豐十一年四月縣城失守督  
團力戰陣亡

六品銜前在江西龍泉縣縣丞徐光清

從九品徐宇立

該二員均係上虞縣人咸豐十一年賊陷上虞縣城在下管地方集團禦賊陣亡

從九品銜陸世琛

從九品陸德鑄

該二員均係歸安縣人咸豐十一年五月賊竄歸安菱湖鎮與賊接仗陣亡

從九品林值三黃巖縣人

咸豐十一年十一月賊竄黃巖該員率團巷戰陣亡

附貢生姜楓槐

生員姜福綸

職員姜綽綸

廩生王夢熊

該生等均係龍游縣人咸豐十一年四月率團在靈山  
地方剿賊陣亡

議敘從九品毛贊行江山縣人

該員於咸豐八年二月江山縣城失陷率團禦賊陣亡  
衛千總銜王壽江山縣人

該員於同治元年三月賊竄江山縣二十七都地方集

團禦賊陣亡

貢生薛年豐

歲貢生周慶春

生員林陳芳

生員趙煥文

生員姚升聞

監生鄭希轍

監生蔣年

監生李景瀛

該生等均係樂清縣人同治元年二月賊竄樂清集團  
禦賊陣亡

生員余成湖

生員劉明

該生等均係青田縣人同治元年正月在青田縣河東  
坪地方與賊接仗被害

生員項學山青田縣人

同治元年六月在青田縣水東地方禦賊陣亡

友童王月華遂昌人

同治元年二月隨同官軍進剿遂昌西鄉大柘排前踞  
賊深入賊壘力戰陣亡

監生周學贛遂昌縣人

同治元年三月在葉家殿剿賊陣亡

監生周鶴

貢生項邦英

從九品銜李佑文

武生項植榮

該生等均係雲和縣人咸豐八年五月在雲和白水畝

集團禦賊陣亡

員生陳以道

生員潘製錦

該生均係景寧縣人同治元年攻剿景寧縣城賊匪陣亡

武生吳希璘瑞安縣人

同治元年五月平陽會匪滋事集團堵剿陣亡

生員郭舜臣麗水縣人

同治元年正月在海口地方與賊接仗陣亡

監生呂停雲麗水縣人

同治元年五月在碧湖地方與賊接仗陣亡

以上文武官紳八十七員名均請

旨交部從優議卹

試用縣丞龍章安徽桐城縣人

咸豐十年賊陷杭城遇害

選用知縣陳珩安徽懷甯縣人

該員寄居嵯縣南鄉咸豐十一年賊竄嵯縣聚集南鄉

團勇禦賊十一月二十三日團勇潰散遇害



五品頂戴卽選從九品章秀南錢塘縣人

該員於咸豐十年杭城失陷遇害

五品封典議敘翰林院待詔銜阮敬熙太平縣人

該員在籍辦團咸豐十一年十二月賊竄太平自縊殉  
難

候選訓導歲貢生諸葛令蘭谿人

咸豐十一年九月賊竄蘭谿守節不屈遇害

生員胡維寬樂清縣人

同治元年二月賊竄樂清剿賊落水殉難

廩生陳治謨

生員陳熙

生員林鶴鳴

文童陳輝

該生等均係雲和縣人咸豐八年五月賊竄雲和守節  
不屈遇害

貢生許海棠

生員薛源

該員等均係瑞安縣人同治元年平陽會匪滋事守節

不屈遇害

以上十二員名均請

旨交部照例議卹

嵯縣教諭盛元音富陽縣人

同治元年三月赴鄉辦團遇賊接仗受傷身故應請  
旨照傷後亡故例議卹